

## Исломнинг енгиллик дини эканлигига ёрқин бир далил



04:30 / 24.04.2021 1978

أَلَا قَدْ مَلَ سَوْوَهُ لَعَلَّ لَيْلِي بِنِ لَانَعُ نَعُ لَعَلَّ لَيْلِي صَرَّ رَهْ رِي بَأْنَعُ  
هُ لَلْأَهْمُ طَأْمَنَ إِفْهُمُ وَصَّ مَتِي لَفَ بَرَشْ وَأَلْ كَأْفُ مِئْأَصَ وَهَوَ يَسَنُ نَمُ  
أَلَفَ أَيَسَ أَنْ بَرَشْ وَأَلْ كَأْفُ نَمُ يُّذِمُّ رَّتْ لَأَطْفَلَوُ هَسْمُ خَلْأَهْ أَوْرُ هَأَقَسَوُ  
هُ لَلْأَهْ قَزَرُ قَزَرُ وَهُ أَمَّنْ إِفْهُرُ طَفِي

Абу Хурайра розияллоху анхудан ривоят қилинади:

«Набий соллаллоху алайҳи васаллам:

«Ким рўзадорлигини унутиб қўйиб, еса ёки ичса, рўзасини батамом қилсин.  
Уни Аллоҳ едирибди, ичирибди, холос», дедилар.

Бешовлари ривоят қилганлар.

Термизийнинг ривоятларида:

«Ким унутиб еб-ичса, оғзини очиб юбормасин. Бу Аллоҳ уни ризқлантирган  
ризқ, холос», дейилган.

Шарҳ: Ислом шариатининг умумий қоидаси бўйича, эсдан чиқариб содир  
этилган ҳар бир хато кечирилади. Бу қоида рўза борасида ҳам жорий

этилади. Инсон гоҳида, айниқса, Рамазони шарифнинг биринчи кунларида ўзининг рўзадорлигини унутиб қўйиши табиий бир ҳол. Шунинг учун эсдан чиққан ҳолда бирор нарса еб ёки ичиб қўйса, рўзаси очилган ҳисобланмайди. Балки эслаган заҳоти ўзини ейиш-ичишдан тўхтатади ва рўзасини давом эттираверади. Мазкур қоидага ҳеч ким хилоф қилмаган.

Бу ҳам Ислом динининг енгиллик дини эканлигига ёрқин бир далилдир. Инсондаги бор заифликларни яхши билган Аллоҳ таоло шариат ҳукмини жорий қилишда мазкур заифликларни ҳисобга олиб қўйган.

***«Ҳадис ва ҳаёт» китобида асосида тайёрланди.***